

Guangjisi Minzcu Bau

ganhhau: CN45-0036 B.2018 Nd.5 Ng.16 liggaueq fouhswt nienz ndwenseiq co' ngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3324期

Gih Raeuz Bouh Daeuz Heiqgo Minzcu 《Sam Nyied Sam》Yienj Baez Nduj

我区首部民族歌剧《三月三》首演

Ndwen 5 ngoenz 6 banhaemh, bouh daeuz heiqgo minzcu 《Sam Nyied Sam》youz gij ngaenzgoek yisuz guekgya laebhangh bangcienz, Guengjsae Yenji Cizdonz Gofoux Heiqyienh cauuhg yienjok haenx youq Namzningz Heiqciengz yienj baez nduj.

《Sam Nyied Sam》hopheux sengmingh caeuq gyaez song aen ciengxlwenx cawjdaez neix cauuhg, yungh aen ciet bouxyouh ceiq gaeuqgeq beksingq Bouxcuengh Guengjsae hamjgvaq ndaej baenz buenq aen sigij—hawfwen “sam nyied sam” guh beigingj, lwnhgangj aen gojgaeq hawj vunz gamjdoengh mizgven ndiepgyaez, loqsiengj caeuq swnjcienz vwnzva he. Ndaw heiq miz

song diuz seizgan caeuq hoenggan doxbingz, diuz ndeu dwg aen gojgaeq siliengz song boux bouxcoz sai mbwk Bouxcuengh doxgyaetz fatseng youq 20 sigij 50 nienzdaih haenx, diuz ndeu dwg aen gojgaeq gyaep loqsiengj boux bouxcoz Bouxcuengh miz loqsiengj ndeu giensouj caeuq swnjcienz fwen Bouxcuengh, youq mwh 20 sigij 80 nienzdaih gajgwz hailangh ciuzlouz hoengh neix.

Bouxcoz dauyenj mizmingz Guengjsae Fungz Gyah guh cungj-dauyenj, de naeuz, youq gwnz cauuhg yienjok, bouh heiq neix dwkbyoengq laehgvenq, yungh gij rengz cauuhg, yienjok maenhndei Guengjsae bonj dieg. Aen doih bouxfucwz cujyau youz Guengjsae

bouxraizbuj mizmingz Luz Beiz raiz-buj; Guengjsae bouxcozgyah mizmingz Liengz Sauvuj guh bienheiq, raiz swz. Linghvaih, aen doih bouxyienj bouh heiq neix cienzbouh daj Guengjsae Gofoux Heiqyienh daeuj, dwg buek canghgo bouxcoz maenhndei bouxyawj gyaetzmaij caeuq sugrox he.

Ciuq cam rox, heiqgo minzcu 《Sam Nyied Sam》dwg gij heiqmoeg doiok youqgaenj Guengjsae Yenji Cizdonz, riengzdwk yienj baez nduj 《Lohsei Gwnz Haij》《Buhbwnroeg》《Cangcang Vaiq Buet》daengj gij ngaenzgoek yisuz guekgya daizheiq yisuz cauuhg bangcienz hanghmoeg neix.

(Linz Yenvaz)

Sanhyangh: Aen Cienlied Lijyouz Banggungz Guengjdoeng Guengjsae Hai Haeuj Mbanjdung



三江: 粤桂旅游扶贫专列开进侗乡

Ndwen 5 ngoenz 12, aen cienlied doxgap guh lijyouz banggungz Guengjdoeng Guengjsae Guengjdoeng Cangyangh—Sanhyangh hai haeuj Guengjsae Liujcouh Si Sanhyangh Dungcu Swciyen, 400 lai boux bouxhek bae Mbanjdung yawjgonz daejniemh laeuz giuz Dungcu, gofoux, ngaizbakranz daengj daegsaek fungcingz. Geij bi neix daeuj, Sanhyangh baengh “aen dungceh goenggyau” riengjvaiq fuengbienh, haenqrengz gyalai gij ligdoh Guengjdoeng Guengjsae doxgap guh lijyouz banggungz, hawj giuzlaeuz Mbanjdung, gofoux, gijgwn daengj fungcingz lai yiengh baenz “mbaw mingzben sup gim”, hawj vunzlai dangdieg vut gungz baenz miz. Ndaw doz dwg gyoengq bouxhek cingq gwn ngaizbakranz.

(Gungh Bujgangh/龚普康)

Nazboh: Go Minzcu Conzdungj Byaij Haeuj Dangzgoq Ciengqgo Cungh Siujyoz

那坡: 传统民族歌曲走进中小学音乐课堂

Mboengqneix, ndaw gyausiz haj nienzgaep it ban Nazboh Yen Cwngz-yangh Cin Cungsim Siujyoz sing go haprwenz, sing go gig miz minzcu fungcingz, neix dwg gyoengq hagseng cingq yienjciengq 《Gwnzmbwn Ndaundeiq Buenx Ronghndwen》go yiengh-nduj Nazboh.

Ciuq cam rox, vih engq ndei swnjcienz caeuq baujhoh go minzcu conzdungj Nazboh Yen, vwnzgvangj-giz aen yienh neix soucomz bienraiz le cek gocomz minzcu conzdungj—《Gwnzmbwn Ndaundeiq Buenx Ronghndwen》, cek saw neix cienzmienh cingjleix caeuq langhbaij le gij

go Cuengh, Gun, Myauz, Yauz, Yiz haj aen minzcu, baugvat go minzcu conzdungj caeuq gak loih go minzcu gajgwz hailangh doeklaeng cauuhg moq haenx, caemhcai q boiq gizbuj go gak minzcu.

Vih caenh' itbouh daezswng gij naengzlig swnjcienz caeuq baujhoh feihvuzciz vwnzva Nazboh Yen, gyalai gij rengzyingyangj feihvuzciz vwnzva yizcanj Nazboh Yen, vwnzgvangjgiz aen yienh neix lienzhab yienh gyauyuzgiz doengzcae haiguh “fwen haeuj hagdangz” hozdung, doenggyaq fat cek saw 《Gwnzmbwn Ndaundeiq Buenx Ronghndwen》gak ngeihcib

dauq hawj daengx yienh gak cungh siujyoz mbouj aeu cienz, hailaeb dangzgoq ciengqgo go conzdungj, dawz gij vwnzva ciengqgo bonj dieg “cingj haeuj” dangzgoq ciengqgo cungh siujyoz, caemhcai gujli gak cungh siujyoz cingj canghfwen ndawbiengz, bouxswnjcienz feihvuzciz vwnzva yizcanj daengz hagdangz cienzdoh gij vwnzva fwen Bouxcuengh, hawj go minzcu byaij haeuj ndawhag, cap rag ndawhag, hawj gij vwnzva fwen Bouxcuengh Nazboh maenhndei ndaej daihdaih doxcienz.

(Lingz Ginghlu)

SIUSIK DINJ

简讯

● Ndwen 5 ngoenz 9, Bingzgoj Yen Bangjih Swh-fazsoj lienzhab Bangjih Fazdingz, Cunghciban, Siz-yozgenhsoj yungh ngoenzhaw haiguh senhconz hozdung. Ciuq gyoepsuenq, baez hozdung neix gungh fat senhconz swlhliu, cek saw iq gungh 500 lai faenh, dap vunzlai vwndiz 50 vunzbaez, senhconz yaugoj haemq ndei.

(Vangz Cwngzveij)

● Mboengqneix, ciengz Gangsisizsoj cetdoengh Heiq-cuengh vwnzyi yienjok yungh “hag senhconz gvancez lajmbanj saenqhwnq canloz” guh cawjdaez haenx youq Dwzbauj Yen Fanghsanh Vwnzdij Gunghyenz yienj, yienhciengz yinx ndaej hauilai vunzlai daeuj yawj. Ciuq cam rox, ndwen 4 daengz ndwen 10 geizgan, aen yienh neix lij yaek giethab saedsaeh, gapbaenz aen duenzgangsiz bae lajmbanj gangj, gyavaiq yamqdin lajmbanj saenqhwnq.

(Lij Suzbingz)

● Mboengqneix, Guengjsae Ginzcong Yisuzgvanj lienzhab Liujcouh Si Vwnz-sinhgvangigiz youq Luzcai Yen banh “ciengqgok seizdaih moq heiq minzcu gyaunde”——bi 2018 daengx gih comzyienj heiq caijdiu, gij cozbij maenhndei daengx gih gak dieg vwnzva' gvanj caeuq yisuz donzdij senjbaij haenx camgya le baez yienjok neix, hawj vunzlai dangdieg yawj baez heiq yinx lai he.

(Lij Cunghvwnz)

● Geij bi neix daeuj, Lungzswng Gak Cuz Swciyen dawz hwnjguh roenloh lajmbanj caeuq vut gungz gung-geng, lajmbanj saenqhwnq gaenjdaet giethab, doenggyaq hengzguh “aen veican hung hwnjguh roenloh lajmbanj”, gaenxmaenx doicaenh hwnjguh roenloh lajmbanj. Daengz seizneix, aen yienh neix 119 aen hingzcwngcunh cungj saedyienh doeng roensuijniz (bwzyou), fuengbienh vunzlai lajmbanj ok rog, bang doi le hong cinjing vut gungz.

(Banh Cisiengz)